

"Қазақстан Республикасының кейбір заңнамалық актілеріне салық салу мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы туралы

Қазақстан Республикасы Үкіметінің 2005 жылғы 26 сәуірдегі N 391 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының кейбір заңнамалық актілеріне салық салу мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы Қазақстан Республикасының кейбір заңнамалық актілеріне салық салу мәселелері бойынша өзгерістер мен толықтырулар енгізу туралы

1-бап. Қазақстан Республикасының мынадай заңнамалық актілеріне өзгерістер мен толықтырулар енгізілсін:

1. Әкімшілік құқық бұзушылық туралы 2001 жылғы 30 қаңтардағы Қазақстан Республикасының Кодексіне (Қазақстан Республикасы Парламентінің Жаршысы, 2001 ж., N 5-6, 24-құжат; N 17-18, 241-құжат; N 21-22, 281-құжат; 2002 ж., N 4, 33-құжат; N 17, 155-құжат; 2003 ж., N 1-2, 3-құжат; N 4, 25-құжат; N 5, 30-құжат; N 11, 56, 64, 68-құжаттар; N 14, 109-құжат; N 15, 122, 139-құжаттар; N 18, 142-құжат; N 21-22, 160-құжат; N 23, 171-құжат; 2004 ж., N 6, 42-құжат; N 10, 55-құжат; N 15, 87-құжат; N 17, 97-құжат; N 23, 139-құжат, 140-құжат; N 24, 153-құжат; 2005 ж., N 5, 5-құжат):

2 0 7 - б а п т а :

бірінші бөліктің екінші абзацы мынадай редакцияда жазылсын:

"лауазымды адамдарға - айлық есептік көрсеткіштің жиырмадан елуге дейінгі мөлшерінде, жеке адамдарға, жеке кәсіпкерлерге және заңды тұлғаларға жасырылған салық салу объектілері бойынша төленуге жататын салық және басқа да міндетті төлемдер сомасының жүз елу проценті мөлшерінде айыппұл салуға әкеп соғады.";

екінші бөліктің екінші абзацы мынадай редакцияда жазылсын:

"лауазымды адамдарға - айлық есептік көрсеткіштің елуден жетпіске дейінгі

мөлшерінде, жеке адамдарға, жеке кәсіпкерлерге және заңды тұлғаларға жасырылған салық салу объектілері бойынша төленуге жататын салық және басқа да міндетті төлемдер сомасының екі жүз проценті мөлшерінде айыппұл салуға әкеп соғады."

2. "Салық және бюджетке төленетін басқа да міндетті төлемдер туралы" (Салық кодексі) 2001 жылғы 12 маусымдағы Қазақстан Республикасының Кодексіне (Қазақстан Республикасы Парламентінің Жаршысы, 2001 ж., N 11-12, 168-құжат; 2002 ж., N 6, 73, 75-құжаттар; N 19-20, 171-құжат; 2003 ж., N 1-2, 6-құжат; N 4, 25-құжат; N 11, 56-құжат; N 15, 133, 139-құжаттар; N 21-22, 160-құжат; N 24, 178-құжат; 2004 ж., N 5, 30-құжат; N 14, 82-құжат; N 20, 116-құжат; N 23, 140-құжат, 142-құжат; N 24, 153-құжат):

1) 1 4 0 - 1 - б а п т а :

1 - т а р м а қ т а :

б і р і н ш і б ө л і к т е :

3) т а р м а қ ш а д а :

бірінші абзац мынадай редакцияда жазылсын:

"3) арнайы экономикалық аймақ құру мақсатына сәйкес келетін мынадай қызмет түрлері : " ;

үшінші және төртінші абзацтардағы "және (немесе)" деген сөздер алып тасталсын; төртінші абзацындағы "жүргізу" деген сөзден кейін ";" белгісі қойылып, мынадай мазмұндағы бесінші - жетінші абзацтармен толықтырылсын:

"киімнен басқа, дайын тоқыма бұйымдарын өндіру;

трикотаж бұйымдарын өндіру;

тоқыма материалдарынан киім өндіру";

"нәтижесінде" деген сөз "бойынша меншікті өндіріс тауарларын (жұмыстарын, қызметтерін) сатудан" деген сөздермен ауыстырылсын;

екінші бөлік мынадай редакцияда жазылсын:

"Осы тармақтың 3) тармақшасында көрсетілген тауарлардың (жұмыстардың, қызметтердің) нақты түрлерінің тізбесін Қазақстан Республикасының Үкіметі а й қ ы н д а й д ы . " ;

мынадай мазмұндағы 1-1-тармақпен толықтырылсын:

"1-1. Арнайы экономикалық аймақтардың аумақтарында қызметін жүзеге асыратын ұ й ы м д а р ғ а :

жер қойнауын пайдаланушылар;

акцизделетін тауарлар өндіретін ұйымдар;

арнаулы салық режимдерін қолданатын ұйымдар;

инвестициялық салық преференциялары берілген ұйымдар жатпайды.";

2) 1 4 0 - 2 - б а п т а :

2-тармақтың бірінші бөлігіндегі "50" деген сандар "100" деген сандармен а у ы с т ы р ы л с ы н ;

3 - тармақ алып тасталсын;

5-тармақ мынадай редакцияда жазылсын:

"5. Арнайы экономикалық аймақтардың аумақтарында осы Кодекстің 140-1-бабы 1-тармағының екінші бөлігінде көрсетілген тауарларды (жұмыстарды, қызметтерді), сондай-ақ жобалау-сметалық құжаттамаға сәйкес құрылыс объектілерін және (немесе) арнайы экономикалық аймақтардың аумақтарында осы Кодекстің 140-1-бабы 1-тармағының 3) тармақшасында көрсетілген қызмет түрлерін жүзеге асыруға арналған әкімшілік және өндірістік мақсаттағы объектілер бойынша құрылыс-монтаж жұмыстарын өткізу жөніндегі айналымдар қосылған құн салығынан босатылады.

Осы тараудың мақсаттары үшін әкімшілік және өндірістік мақсаттағы объектілерге офистік, өнеркәсіптік ғимараттар мен қоймалар жатады.";

3) 208-баптың 3-тармағындағы "12000 еселенген" деген сөздер "15000 еселенген" деген сөздермен ауыстырылсын;

4) мынадай мазмұндағы 224-1-баппен толықтырылсын:

"224-1-бап. Арнайы экономикалық аймақтардың аумағына сатылатын тауарларға салық салу

1. Арнайы экономикалық аймақтардың аумақтарында осы Кодекстің 140-1-бабы 1-тармағының 3) тармақшасында көрсетілген қызмет түрлерін жүзеге асыруға арналған жобалау-сметалық құжаттамаға сәйкес әкімшілік және өндірістік мақсаттағы объектілерді салу және қолданысқа енгізу процесінде толығымен тұтынылатын тауарлар сатуға қосылған құн салығы нөлдік ставка бойынша салынады.

Электр энергиясын, бензинді, дизель отыны мен суды қоспағанда, осы тармақтың мақсаттары үшін әкімшілік және өндірістік мақсаттағы объектілерді тұрғызу процесіне тікелей тартылған тауарлар құрылыс процесінде толығымен тұтынылатын тауарлар деп ұғ ы н ы л а д ы .

2. Есепке алуға жатқызылатын салық сомасының осы баптың 1-тармағында көрсетілген айналымдар бойынша есепті кезеңге есептелген салық сомасынан артығы арнайы экономикалық аймақ аумағындағы салық органынан растау алғаннан кейін әкелінген тауарлардың әкімшілік және өндірістік мақсаттағы объектілерді салу процесінде нақты тұтынылу бөлігінде белгіленген мерзімдерде салық төлеушінің өтініші бойынша оған қайтарылады. Арнайы экономикалық аймақ аумағында құрылған атқарушы орган арнайы экономикалық аймақ аумағындағы салық органының сұрауы бойынша беретін әкелінген тауарлардың әкімшілік және өндірістік мақсаттағы объектілерді салу процесінде пайдаланылғаны туралы құжат растау үшін негіздеме б о л ы п т а б ы л а д ы .

3. Осы бапқа сәйкес қосылған құн салығы бойынша нөлдік ставканы қолдану үшін:

1) арнайы экономикалық аймақтардың аумақтарында осы баптың 1-тармағында көрсетілген объектілерді салуды жүзеге асыратын ұйымдармен тауарлар жеткізуге ж а с а л ғ а н ш а р т (к е л і с і м - ш а р т) ;

2) тауарлар шығаруды еркін кеден аймағының кеден режимінде жүзеге асыратын кеден органы белгі қойған кедендік жүк декларациясының көшірмесі;

3) осы тармақтың 1) тармақшасында көрсетілген ұйымдарға тауарлардың тиіп жөнелтілгенін растайтын тауарға ілеспе құжаттардың көшірмелері;

4) осы тармақтың 1) тармақшасында көрсетілген ұйымдардың тауарларды алғанын растайтын құжаттардың көшірмелері негіз болып табылады.";

5) 225-баптың бірінші бөлігінде: 1-тармағы 17) тармақшадағы "тауарларды" деген сөзден кейін ";" белгісі қойылып, мынадай мазмұндағы 18) тармақшамен толықтырылсын:

"18) арнайы экономикалық аймақтардың аумақтарына сатылатын, арнайы экономикалық аймақтардың аумақтарында осы Кодекстің 140-1-бабы 1-тармағының 3) тармақшасында көрсетілген қызмет түрлерін жүзеге асыру процесінде тұтынылатын тауарларды";

6) 246-баптың 2-тармағындағы "224" деген сандар "224-1" деген сандармен ауыстырылсын;

7) 252-баптың 1-тармағы мынадай мазмұндағы 2-1) тармақшамен толықтырылсын:

"2-1) осы Кодекстің 224-1-бабына сәйкес тауарлардың арнайы экономикалық аймақтардың аумағына өткізілгенін растау үшін қажетті құжаттар,";

8) 312-1-бапта:

3-тармақтың екінші бөлігі мынадай редакцияда жазылсын:

"Жоғарыда аталған триггерлер осы баптың 4-6-тармақтарында көрсетілген әдістемеге сәйкес айқындалады. Жер қойнауын пайдаланушыға беруге жататын пайда түсіретін өнімдегі үлестің проценттік мәнін айқындау үшін әрбір триггерден алынған нәтиже өнімді бөлу туралы келісім-шартта көрсетілген төменгі мәндермен салыстырылады.

Жер қойнауын пайдаланушының өнімді бөлу туралы келісім-шартта айқындалған пайда түсіретін өнімдегі үлесінің нақты проценттік мәні жобаның экономикалық көрсеткіштеріне қарай осы бапта көзделген шектерде осы Кодекстің 285-бабында көзделген тәртіппен келісім-шартқа тиісті өзгерістер енгізілгенге дейін оның әрекет ету мерзімі бойына өзгеріссіз сақталады.";

4-тармақтың бесінші, алтыншы, жетінші және сегізінші абзацтары мынадай редакцияда жазылсын:

"Жер қойнауын пайдаланушының пайда түсіретін өнімдегі үлесінің көрсетілген төменгі мәндерге сәйкес келетін және жер қойнауын пайдаланушының пайда түсіретін өнімдегі үлесін айқындау үшін қажетті проценттік мәні өнімді бөлу туралы келісім-шартта мынадай шектерде белгіленеді:

R-фактордың көрсеткішінің мәні	(кіріс	Жер қойнауын пайдаланушының пайда түсіретін үлесінің проценттік мәні	пайдаланушының өнімдегі

1,2-ден аз немесе соған тең	70 проценттен 90 процентке дейін
1,5-тен көп немесе соған тең	10 процент

R-фактордың (табыс көрсеткішінің) алынған мәні 1,2-ден көп және 1,5-тен аз болса, жер қойнауын пайдаланушының пайда түсіретін өнімдегі үлесі мынадай формула бойынша есептеледі:

жер қойнауын пайдаланушының пайда түсіретін өнімдегі үлесі = $(A\% - 10\%)/0,3 * (X - 1,2) * 100\%$, мұнда:

A - жер қойнауын пайдаланушының пайда түсіретін өнімдегі үлесінің өнімді бөлу туралы келісім-шартта көрсетілген, R-фактордың (кіріс көрсеткішінің) 1,2-ден аз немесе соған тең мәніне сәйкес келетін проценттік мәні;

X - жобаның іске асырылуы кезеңіндегі R-фактордың (табыс көрсеткішінің) іс жүзінде алынған мәні.

R-фактордың (табыс көрсеткішінің) мәні үтірден кейінгі екінші белгіге дейін дәлдікпен айқындалады."

5-тармақтың он жетінші - жиырмамыншы абзацтары мынадай редакцияда жазылсын:

"Жер қойнауын пайдаланушының пайда түсіретін өнімдегі үлесінің көрсетілген төменгі мәндерге сәйкес келетін және жер қойнауын пайдаланушының пайда түсіретін өнімдегі үлесін айқындау үшін қажетті проценттік мәні өнімді бөлу туралы келісім-шартта мынадай шектерде белгіленеді:

Рентабельділіктің ішкі нормасының (РІН) мәні	Жер қойнауын пайдаланушының пайда түсіретін өнімдегі үлесінің проценттік мәні
12 проценттен кем немесе соған тең	70 проценттен 90 процентке дейін
20 проценттен көп немесе соған тең	10 процент

Егер рентабельділіктің ішкі нормасының (РІН) алынған мәні он екі проценттен астам және жиырма проценттен кем болған жағдайда, жер қойнауын пайдаланушының пайда түсіретін өнімдегі үлесі мынадай формула бойынша есептеледі:

жер қойнауын пайдаланушының пайда түсіретін өнімдегі үлесі = $(A\% - (A\% - 10\%)/8\% * (X - 1,2\%))$, мұнда:

A - жер қойнауын пайдаланушының пайда түсіретін өнімдегі үлесінің өнімді бөлу туралы келісім-шартта көрсетілген, рентабельділіктің ішкі нормасының (РІН) 12 проценттен аз немесе соған тең мәніне сәйкес келетін проценттік мәні;

X - жобаның іске асырылуы кезеңіндегі рентабельділіктің ішкі нормасының (РІН) іс жүзінде алынған мәні.

Рентабельділіктің ішкі нормасының (РІН) мәні үтірден кейінгі екінші белгіге дейін дәлдікпен айқындалады."

6-тармақ мынадай редакцияда жазылсын:

"6. Р-фактор (баға коэффициенті) есепті кезеңдегі өтемдік өнімнің нақты құны мен жер қойнауын пайдаланушының есепті кезеңдегі пайда түсіретін өнім үлесінің нақты құны сомасының есепті кезеңдегі мұнай өндіру көлеміне қатынасы ретінде а й қ ы н д а л а д ы .

Жер қойнауын пайдаланушының пайда түсіретін өнімдегі үлесінің көрсетілген төменгі мәндерге сәйкес келетін және жер қойнауын пайдаланушының пайда түсіретін өнімдегі үлесін айқындау үшін қажетті проценттік мәні өнімді бөлу туралы келісім-шартта мынадай шектерде белгіленеді:

Р-фактордың (баға коэффициентінің) мәні	Жер қойнауын пайдаланушының пайда түсіретін өнімдегі үлесінің проценттік мәні
1 баррель үшін 12 АҚШ долларынан кем немесе соған тең	70 проценттен 90 процентке дейін
1 баррель үшін 27 АҚШ долларынан астам немесе соған тең	10 процент

Егер Р-факторының (баға коэффициентінің) алынған мәні 1 баррель үшін 12 АҚШ долларынан астам және 27 АҚШ долларынан кем болған жағдайда, жер қойнауын пайдаланушының пайда түсіретін өнімдегі үлесі мынадай формула бойынша есептеледі :

жер қойнауын пайдаланушының пайда түсіретін өнімдегі үлесі = $(A\% - (A\% - 10\%) / 15\% * (X - 12) * 100\%)$, мұнда :

А - жер қойнауын пайдаланушының пайда түсіретін өнімдегі үлесінің өнімді бөлу туралы келісім-шартта көрсетілген, Р-фактордың (баға коэффициентінің) 1 баррель үшін 12 АҚШ долларынан кем немесе соған тең мәніне сәйкес келетін проценттік мәні;

Х - жобаның іске асырылуы кезеңіндегі Р-фактордың (баға коэффициентінің) іс жүзінде алынған мәні .

Р-фактордың (баға коэффициентінің) мәні үтірден кейінгі екінші белгіге дейін дәлдікпен айқындалады. ";

9) 314-5-баптың 1 және 2-тармақтары мынадай редакцияда жазылсын:

"1. Өнімді бөлу туралы келісім-шартты орындаған кезде өндіру басталған кезден бастап салынған инвестицияларды қайтару сәтіне дейінгі әрбір салық кезеңіндегі мемлекет түсімдерінің үлесі өнімді бөлу туралы келісім-шартта белгіленген бес проценттен он процентке дейінгі аралықтағы мәннен кем болмауға және салық кезеңінде, кейінгі кезеңдерде жер қойнауын пайдаланушы алған өнім көлемінің қырық процентінен кем болмауға тиіс.

2. Осы баптың мақсаттары үшін мемлекет түсімдерінің үлесі дегеніміз өнімді бөлу бойынша Қазақстан Республикасының үлесін білдіретін, жер қойнауын

пайдаланушының салық кезеңінде орындалған салықтық міндеттемелері, салықтар және бюджетке төленетін басқа да міндетті төлемдер. Мемлекет түсімдерінің үлесіне қосылған құн салығы және жер қойнауын пайдаланушы соларға қатысты салық агенті ретінде қатысатын салықтар кірмейді.";

1 0) 3 5 5 - б а п т а :

1 - т а р м а ғ ы н д а :

"2-тармағында" деген сөздер "2 және 2-1-тармақтарында" деген сөздермен ауыстырылсын;

"мен жеке кәсіпкерлер" деген сөздер алып тасталсын;
мынадай мазмұндағы 1-1-тармақпен толықтырылсын:

"1-1. Жеке кәсіпкерлер мүлік салығын салық салу объектілерінің орташа жылдық құнына 0,5 процент ставка бойынша есептейді.";

мынадай мазмұндағы 2-1-тармақпен толықтырылсын:

"2-1. Оңайлатылған декларация негізінде арнаулы салық режимін қолданатын заңды тұлғалар мүлік салығын салық салу объектілерінің орташа жылдық құнына 0,5 процент ставка бойынша есептейді.";

11) 357-бап мынадай редакцияда жазылсын:

"357-бап. Жекелеген жағдайларда салықты есептеу мен төлеу

1. Жеке кәсіпкер кәсіпкерлік қызметін тұрғын үй қорының құрамындағы үй-жайларда жүзеге асыратын жағдайда бұл үй-жайлар бойынша салық осы Кодекстің 361-367-баптарында көзделген ставкалар бойынша және тәртіппен есептеледі және төленеді.

2. Жеке кәсіпкер кәсіпкерлік қызметін заңнамада белгіленген тәртіппен тұрғын үй қорының құрамынан шығарылған үй-жайларда жүзеге асыратын жағдайда бұл үй-жайлар бойынша салық осы тарауда белгіленген ставкалар бойынша және тәртіппен есептеледі және төленеді.";

12) 365-бап мынадай редакцияда жазылсын:

"365-бап. Салық ставкалары

Жеке тұлғалардың мүлкіне салынатын салық, салық салу объектілерінің құнына қарай мынадай ставкалар бойынша есептеледі:

5 000 000 теңгеге дейін қоса алғанда	салық салу объектілері құнының 0,05 проценті;
5 000 000 теңгеден жоғары 10 000 000 теңгеге дейін	2 500 теңге + 5 000 000 теңгеден асатын сомадан 0,1 %;
10 000 000 теңгеден жоғары 15 000 000 теңгеге дейін	7 500 теңге + 10 000 000 теңгеден асатын сомадан 0,15 %;
15 000 000 теңгеден жоғары 20 000 000 теңгеге дейін	15 500 теңге + 15 000 000 теңгеден асатын сомадан 0,2 %;
20 000 000 теңгеден жоғары 25 000 000 теңгеге дейін	25 500 теңге + 20 000 000 теңгеден асатын сомадан 0,25 %;

25 000 000 теңгеден жоғары	37 500 теңге + 25 000 000 теңгеден асатын сомадан 0,3 %."
----------------------------	---

13) 376-баптың 2-тармағында:

1) тармақшада:

екінші абзацтағы "он бес" деген сөздер "жиырма бес" деген сөздермен ауыстырылсын;

үшінші абзацтағы "4500,0" деген сандар "9000,0" деген сандармен ауыстырылсын;
тармақшада:

екінші абзацтағы "жиырма бес" деген сөздер "елу" деген сөзбен ауыстырылсын;
үшінші абзацтағы "9000,0" деген сандар "20000,0" деген сандармен ауыстырылсын;

14) 377-баптың 2 және 3-тармақтары мынадай редакцияда жазылсын:

"2. Жеке кәсіпкердің табысына мынадай ставкалар бойынша салық салынуға тиіс:

Тоқсандық табысы	Ставкасы
3000,0 мың теңгеге дейін	табыс сомасының 3 проценті
3000,0 мың теңгеден жоғары 6000,0 мың теңгеге дейін	90,0 мың теңге + 3000,0 мың теңгеден асатын табыс сомасының 5 проценті
6000,0 мың теңгеден жоғары	240,0 мың теңге + 6000,0 мың теңгеден асатын табыс сомасының 7 проценті

3. Заңды тұлғаның табысына мынадай ставкалар бойынша салық салынуға тиіс:

Тоқсандық табысы	Ставкасы
3000,0 мың теңгеге дейін	табыс сомасының 4 проценті
3000,0 мың теңгеден жоғары 7000,0 мың теңгеге дейін	120,0 мың теңге + 3000,0 мың теңгеден асатын табыс сомасының 5 проценті
7000,0 мың теңгеден жоғары 14000,0 мың теңгеге дейін	320,0 мың теңге + 7000,0 мың теңгеден асатын табыс сомасының 7 проценті
14000,0 мың теңгеден жоғары	810,0 мың теңге + 14000,0 мың теңгеден асатын табыс сомасының 9 проценті

2-бап. Осы Заң 2006 жылғы 1 қаңтардан бастап қолданысқа енгізіледі.

Қазақстан Республикасының

Президенті